

EU PROGRAM ZA OPORAVAK OD POPLAVA

EKONOMSKO-POLJOPRIVREDNI OPORAVAK – OSNOVNE INFORMACIJE

UVOD

EU Program za oporavak od poplava pomaže da se uspostave normalni životni uslovi u lokalnim zajednicama pogođenim poplavama u maju 2014.godine. Pokrenut je u avgustu 2014. i ima pet komponenti:

1. Rehabilitacija stambenog fonda;
2. Ekonomsko-poljoprivredni oporavak;
3. Rehabilitacija javnih institucija;
4. Rehabilitacija komunalne infrastrukture; i
5. Procjena rizika.

Program vrijedan **43.52 miliona eura** finansira EU, a provode ga UNDP, UNHCR i IOM.

EKONOMSKO-POLJOPRIVREDNI OPORAVAK

U sklopu komponente za ekonomsko-poljoprivredni oporavak, EU Program za oporavak od poplava radi sa poljoprivrednim proizvođačima i lokalnim firmama kako bi omogućio održiv oporavak. Svi korisnici usluga su izabrani putem javnog i kompetitivnog procesa.

Aktivnosti oporavka za cilj imaju poboljšavanje uslova za zapošljavanje i generisanje zarade.

Komponenta ekonomsko-poljoprivrednog oporavka ima dvije potkomponente:

1. Podrška malim i srednjim preduzećima (MSP-ovima); i
2. Podrška poljoprivrednim proizvođačima.

Aktivnosti obuhvaćene ovim potkomponentama u vrijednosti od **5,263,041 eura** su do sada pomogle da se očuva i otvori **5,500 radnih mjesta**.

MALA I SREDNJA PREDUZEĆA

Većina MSP-ova u područjima pogođenim poplavama su pretrpjela štete na infrastrukturi i u inventaru. Zbog gubitaka u proizvodnji i u nekim slučajevima gubitka tržišta, postojao je rizik da će se određeni broj firmi zatvoriti te im je bila potrebna pomoć da opstanu i da održe postojeća radna mjesta.

Program je stoga pružio pomoć kojom su rehabilitovana radna postrojenja i održana potreba za radnom snagom. Program je firmama također olakšao finansiranje i pristup tržištima.

Program podržava ukupno **117 MSP-ova** kroz nepovratne grantove vrijedne **3,334,644 eura** koji su bili dodjeljeni u dvije faze provođenja aktivnosti.

Ovo je pomoglo da se očuvaju i otvore **4,173 radna mjesta** dok se u naredna tri mjeseca očekuje otvaranje **još 160 radnih mjesta**. Ovim se broj radnih mjesta u ovoj potkomponenti povećava na **4,333**.

| | FBIH | RS | BD | BiH |
|----------------------------------|------------------------------|------------------------------|----------------------------|--------------------------------|
| Broj MSP-ova | 24 | 29 | 3 | 56 |
| Grantovi EU programa (BAM i EUR) | BAM 1,310,000 EUR 669,792 | BAM 1,360,000 EUR 695,356 | BAM 210,000 EUR 107,371 | BAM 2,880,000 EUR 1,472,520 |
| Broj uposlenih u sept. 2014 | 768 | 1021 | 72 | 1861 |
| Broj uposlenih u dec. 2015 | 1030 | 1146 | 75 | 2251 |
| Povećanje broja uposlenih | 262 | 125 | 3 | 390 |

Tabela 1: Podrška MSP-ovima – prva faza (decembra 2014. - septembar 2015.)

| | FBIH | RS | BD | BiH |
|---|------------------------------|------------------------------|--------------------------|--------------------------------|
| Broj MSP-ova | 28 | 32 | 1 | 61 |
| EUPOP grantovi (BAM i EUR) | BAM 1,162,000 EUR 594,121 | BAM 1,333,000 EUR 681,552 | BAM 22,000 EUR 11,248 | BAM 2,517,000 EUR 1,286,921 |
| Broj radnih mjesta koja će biti očuvana | 880 | 1036 | 6 | 1922 |

Tabela 2: Podrška MSP-ovima – druga faza (novembar 2015. - februar 2016.)

POLJOPRIVREDNI PROIZVOĐAČI

Programske aktivnosti u potkomponenti pomoći poljoprivrednim proizvođačima se provode u četiri polja:

1. Podrška komercijalnim poljoprivrednim proizvođačima;
2. Podrška uzgajivačima malina;
3. Podrška uzgajivačima pšenice i peradi; i
4. Podrška malim poljoprivrednim proizvođačima.

Ukupno **1,271 poljoprivredno gazdinstvo** je korisnik usluga ove potkomponente.

Podrška komercijalnim poljoprivrednim proizvođačima

Program se fokusira na korisnike sa postojećim resursima (npr. obradivo zemljište) koji se mogu koristiti za veću i održivu komercijalnu poljoprivrednu proizvodnju.

Pomoć je pružena za ukupno **415 domaćinstava (komercijalnih proizvođača)** u područjima pogođenim poplavama koji sada generišu do **1,000 KM mjesečno po domaćinstvu** održivog prihoda.

Svaki od 415 korisnika je dobio pomoć koja uključuje 200m² plastenika sa sistemom za navodnjavanje, sadnice za sadnju povrća (kornišoni i/ili paprike) i na otvorenom polju, te sadnice jagoda, kao i pakete za zaštitu sadnica i đubrivo.

Podrška uzgajivačima malina

Programske aktivnosti se dalje fokusiraju na pojačavanje lanca vrijednosti u sektoru proizvodnje bobičastog voća povećanjem proizvodnje malina. **264 nove plantaže**

malina će biti uspostavljene na individualnim gazdinstvima čime će se generisati održivi prihod u iznosu od **750 do 1,500 KM¹ mjesečno po domaćinstvu**.

Podrška uzgajivačima pšenice i peradi

Pored podrške koja se pruža komercijalnim poljoprivrednim proizvođačima voća i povrća

Program je obezbjedio sjeme i đubrivo za **126 uzgajivača pšenice** u područjima koja su bila pogođena poplavama a koja su pogodna za uzgoj pšenice.

Takođe se pruža tehnička podrška za integraciju proizvođača pšenice u lokalne lance vrijednosti. Kao rezultat, cjelokupna proizvodnja pšenice (**2,500 tona**) je prodana lokalnoj pekari kojoj je potreban repromaterijal za proizvode koji će se izvoziti u Tursku. Ukupan prihod koji će se generisati kroz ovu intervenciju će iznositi **800,000 KM ili 530 KM mjesečno po domaćinstvu**.

Program je nadalje obezbjedio koke nosilje za **9 uzgajivača peradi**. Ovo će uzgajivačima pomoći da održe kumulativan održivi prihod u iznosu od **550,000 KM, ili 5,090 KM mjesečno po uzgajivaču**.

Podrška malim poljoprivrednim proizvođačima

U sklopu podrške malim poljoprivrednim proizvođačima, Program će obezbjediti direktnu pomoć za **457 individualnih domaćinstava** u zavisnosti od njihovih potreba koja će uključivati sitnu stoku, opremu i građevinski materijal kako bi podržao rekonstrukciju poljoprivredne infrastrukture (npr. staklenika), te će pružiti tehničku podršku za unapređenje proizvodnje.

Tabela 3: Podrška poljoprivrednim proizvođačima

| | FBiH | RS | BD | BiH |
|--|------|-----|----|-------|
| Broj komercijalnih proizvođača | 202 | 200 | 13 | 415 |
| Broj uzgajivača malina | 173 | 88 | 3 | 264 |
| Broj uzgajivača pšenice | 79 | 38 | 9 | 126 |
| Broj uzgajivača peradi | 8 | 1 | - | 9 |
| Broj malih poljoprivrednih proizvođača | 116 | 321 | 20 | 457 |
| Ukupan broj podržanih domaćinstava | 578 | 648 | 45 | 1,271 |

1) Zavisno od veličine obradivog zemljišta svakog od korisnika u rasponu od 2000m² do 4000m².